

助

字

辨

略

助字辨略卷五目錄

入聲

獨

簇

伏

復

孰

熟通

儵

候同

酷

觸

屬

欲

足

趣

促同

逐

不

否通

實

寔同

悉

壹

一通

疾

必

畢

率

聿

日吹通

卒

勿

弗

厥

拂

迄

汔

訖

粵

越

曰

沒

咄

曷

忽

害

未

脫

竊

決

迭

軼通

蔑

竭

絕

劣

煞

別

設

畧

卻

諾

著

若

約

莫

各

索

迨

薄

嘆

劇

嚇

格

隔附

益

慕

亦

適

適

廸

的

職

直

式

極

抑

亟

卽

得

則

克

勉通

特

或

及

立

合

盍

輒

恰

業

阿

助字辨略卷五

確山劉淇武仲

獨 衆之對特辭也詩小雅我從事獨賢史記齊悼
世家乃常獨早夜掃齊相舍人門外又唯也但也
史記荆燕世家今營陵侯澤諸劉爲大將軍獨此
尚缺望外戚世家自古受命帝王及繼體守文之
君非獨內德茂也蓋亦有外戚之助焉獨得爲唯
者特之轉也又史記王翦傳今聞判兵日進而西
將軍雖病獨忍棄寡人乎孟嘗君傳君獨不見夫
朝趨市者乎司馬相如傳獨不聞天子之上林乎

左太冲魏都賦萬一譬焉亦獨準麋之與子都培
塿之與方壺也此獨字語助辭獨得爲語辭者唯
之轉也

簇 花藥夫人宮詞厨船進食簇時新方言以極新
爲簇新也

伏 漢書文帝紀臣伏計之大王奉高祖宗廟最宜
稱曹子建求自試表伏見先帝武臣宿兵年著卽
世者有間矣求通親親表伏惟陛下容帝堯欽明
之德凡云伏者以卑承尊之辭也自宋以來表文
多用伏以爲發句

復禮記禮運言偃復問曰如此乎禮之急也按復
又也更也再也重也上文云言偃侍側曰君子何
歎此又更問故云復也漢書匡衡傳陛下聖德天
覆子愛海內然陰陽未和姦邪未禁者殆論議者
未丕揚先帝之聖功是以羣下更相是非吏民無
所信爭言制度不可用也務變更之所更或不可
行而復復之上復字又也下復字反也世說注山
公啓事曰詔選秘書丞濤薦曰紹平高溫敏有文
思又曉音當成濟也猶宜先作秘書郎詔曰紹如
此便可爲丞不足復爲郎也此言不必又使之爲

郎也又左傳文公七年復爲兄弟如初此復字猶還也仍也又世說注王處仲謂阮修曰鴻臚丞差有祿卿常無食能作不修曰爲復可耳爲語助復可猶云亦可又世說君出臨海便無復人又云阿奴今日不復減向子期陶淵明詩謂人最靈智獨復不如茲此復字語助也

孰 爾雅云疇孰誰也邢疏云皆謂語辭不爲義也愚按孰誰也何也如論語孰不可忍也公羊傳哀公十四年孰爲來哉孰爲來哉史記文帝紀乃十一月晦日有食之適見於天菑孰大焉太史公自

序襄公傷於泓君子執事此執字何也曷也如論語君執與不足此爲誰何之辭也又通作熟皮襲美和張處士詩序魯望視予困與承吉生前熟若哉按熟本作執緣是一字故通用非誤也

條 與條同忽也楚辭少司命條而來兮忽而逝

酷 白虎通云極也南宋書高帝紀何無忘劉牢之之外甥酷似其舅世說孫興公道曹輔佐才如白地明光錦裁爲負版袴非無文采酷無裁製

觸 王仲初詩諸院門開觸處行觸處猶是處今云到處也

屬

左傳成公二年下臣不幸屬當戎行杜注云屬

適也晉語有鞅韋之跼淫君子也屬見不殺而下
無乃傷乎韋注云屬適也愚按屬適也會也正當
之辭如宇文適庾子山集序屬我太祖獻策魏帝
命將荆衡此屬字猶會也又漢書張良傳上曰天
下屬安定師古云屬近也霍光傳將軍之廣明都
郎屬耳師古云屬耳近耳也愚按此屬字亦是適
辭但上屬字是正適之義此屬字是適繼之義故
師古云近也如魏志賈詡傳太祖曰與卿言而不
答何也詡曰屬適有所思故不即對耳此言適繼

正有所思也

欲將也凡云欲者皆願之而未得故又得爲將也
王右軍帖想弟必有過理得斃寫懷若此不果後
期欲難冀張曲江歲初處分勅故我乎元皇帝著
追德五千文明乎真宗致於妙用而有位者未之
講習不務清淨欲令所爲之政教何從而致於太
和者邪白香山詩稷事修初畢游人到欲齊

足戰國策可謂足使矣注云足猶能也又孟子王
由足川爲善又云牲殺器皿衣服不備不敢以祭
則不敢以晏亦不足弔乎史記鄒陽傳鄒陽辭雖

不遜然其比物連類有足悲者漢書高帝紀吾入
關秋毫無所敢取文穎云豪秋乃成好舉盛而言
師古云豪成之時端極纖細適足喻小非言其盛
世說君何足復受人寄載來此足字猶可也適足
猶云正可又左傳隱公二年戎請盟公辭杜注云
許其修好而不盟禦夸翟者不壹而足也此足字
猶已也止也又漢書外戚傳王太后曰太子小而
傳太后抱養之今至太子家以乳母恩耳不足有
所妨不足猶云不至也言不至于有所妨害也又
世說注紹如此便可爲丞不足復爲郎也此不足

猶云不必又魏志鍾會傳鍾會所統五六倍於鄧
艾但可勅會取艾不足自往華佗傳忍病十年壽
俱當盡不足故自刳裂此不足猶俗云不直得也
趣 與促同猶亟也史記曹相國世家參聞之告舍
人趣治行吾將入相周勃世家自竇長君在時竟
不得侯死後及封其子彭祖顧得侯吾甚恨之帝
趣侯信也

逐 范忠宣公義莊規矩劄子竊念臣父仲淹先任
資政殿學士日於蘇州吳長兩縣置田十餘頃其
所得租米自遠祖而下諸房宗族計其口數供給

衣食及婚嫁喪葬之用謂之義莊見於諸房選擇子弟一名管勾亦逐旋立定規矩令諸房遵守逐猶隨也旋者臨時立事非豫爲之也此言隨其條件創立規矩故云逐旋立定規矩也逐追逐也追逐有相隨之義故逐得爲隨也自宋以後多用逐字爲辭如逐人逐事逐件逐年逐月逐日逐時之類皆謂隨其事物以爲區處無所脫漏故云逐也不廣韵云與弗同愚按弗也莫也又爾雅夷上洒下不灤郭注云平坦而下水深者爲灤不發語聲邢疏云不者蓋衍字郭云不發聲也又莊子讓王

今有飢色君過而遺先生食先生不受豈不命邪
豈不猶豈非也又漢書武五子傳贊不一目而無
兵枚皐傳又自詆其文慨曲隨其事皆得其
意頗恢笑不甚閑靡凡可讀者不二十篇此不字
猶云無也後漢書孔融傳觀君所言將不蚤惠乎
世說將不畏影者未能忘懷將不猶云將無將非
也又詩小雅有苑者柳不尙息焉左傳襄公二十
九年先君若有知也不尙取之此不字疑辭猶云
無亦無乃也又易離卦九三日昃之離不鼓缶而
歌則大耋之嗟漢書天文志其後熒惑守房之鉤

鈴鉤鈴天子之御也。古曰：「不太僕卽奉車不黜卽死也。」此不字兩設之辭。言不如此則如彼也。又論語不曰堅乎磨而不磷，不曰白乎涅而不緇，不曰猶云，豈不曰省文也。又後漢書朱穆傳注：穆與劉伯宗絕交書云：「昔我爲豐令，足下不遭母憂乎？」此不字下如有嘗字，不乎云者，反言其曾如此也。又戰國策孟嘗君奉夏侯章以四馬百人之食遇之，甚歡。夏侯章每言不嘗不毀之也。注云：不嘗如云未嘗。又漢書高帝紀引兵西，無不下者。又大學是故君子無所不用其極。漢書高帝紀：「廷中更無所。」

不狎侮無不無所不竝皆辭也又大學有國者不
可以不愼漢書高帝紀良曰臣爲韓王送沛公不
可不告又云項伯許諾卽夜復去戒沛公曰且日
不可不早自來謝不可不當辭反言之也又漢書
高帝紀願君召諸臣在外者可得數百人因以劫
衆衆不敢不聽不敢不懼辭反言之也又漢書王
嘉傳人情不能不有過差宜可濶略令盡力者有
所勸不能不猶云不得不或格於勢或限於才力
無可如何之辭也又左傳昭公四年子產見左師
曰吾不患楚矣汰而復諫不過十年史記孔子世

家吾所伐者不過四五人不過者僅辭言少也蘇
秦傳臨蒞之中七萬戶臣竊度之不下戶三男子
不下者約計之辭言多也如云祇在三男子以上
不在三男子以下也又李義山詩不道劉盧是世
親不道猶云不謂也又府鳩切陶淵明詩今我不
爲樂知有來歲不又耕鋪切漢詩使君謝羅敷還
可共載不又方九切與否同以上二音竝未定之
辭也不有未定之義故爾雅注訓爲發聲而不尚
之不得爲疑辭也

實 與寔同爾雅云寔是也郭注云公羊傳曰寔來

者何是來也邢疏云是此也秦風駟鐵云奉時辰
牡郭云公羊傳曰寔來者何是來也者案春秋桓
五年冬州公如曹六年春正月寔來公羊傳曰寔
來者何猶曰是人來也引之證寔爲是也愚按秦
風奉時辰牡毛傳云時是也實時音相近故皆得
爲是也如左傳莊公十八年虢公晉侯鄭伯使原
莊公逆王后于陳陳嬀歸于京師實惠后實惠后
者猶云是爲惠后也又周語叔父實應且憎以非
余一人吳語雖四方之諸侯則何實以事吳左傳
昭公十一年今茲諸侯何實吉何實凶此實字語

助辭不爲義也實得爲語助者是之轉也又廣韵
云誠也愚按誠也信也左傳隱公六年陳侯曰宋
衛實難鄭何能爲漢書高帝紀實不持一錢入貢
臣傳其故人素輕買臣者人視之遠走嗟呼曰實
然又水經注漢書音義曰陽山在河北陰山在河
南謂是山也而卽實不在河南卽實猶不以實文
左傳定公十年公會鄭侯於祝其實夾谷注云
夾谷卽祝其也愚按此謂據實而言祝其卽是夾
谷故訓實爲卽也又晉語伯宗友曰諸侯莫子
若也然而民不能戴其上久矣難必及子子盍亟

索士慙庇州犁焉得畢陽及欒弗及之難諸大夫
害伯宗將謀而殺之畢陽實送州犁於荆此實亡
猶云果也果木實也故實得爲果然之解此言與
索士之謀應也

悉 皆也盡也史記五帝紀悉舉貴戚及疏遠隱匿
者

壹 與一通禮記檀弓壹似重有憂者正義云壹者
決定之辭也愚按壹專一猶言誠也實也誠非虛
假故訓爲決定辭也如檀弓有子謂子游曰子壹
不知夫喪之踊也予欲去之久矣莊子大宗師顏

問仲尼曰孟孫才其母死哭泣無涕中心不戚
居喪不哀無是三者以善喪蓋魯國固有無其實
而得其名者乎回壹怪之諸此壹字其義竝同又
詩小雅爾之安行亦不遑舍爾之亟行遑脂爾車
壹者之來云何其盱爾還而入我心易也還而不
入否難知也壹者之來俾我祇也此壹字語辭壹
者猶云是人也蘇公刺暴公譖已故不斥言之而
曰壹者猶詩云彼其之子左傳云夫已氏也壹得
爲語辭者實之轉也如淮南子伯樂喟然太息曰
一至此乎漢書東方朔傳拔劍割肉壹何壯也杜

子美詩一昨陪錫林李義山詩一爲戒波濤又云
王孫歸路一何遙諸一字並是語辭不爲義者也
又左傳昭公十年平子伐莒取郕獻俘始用人於
亳社臧武仲在齊聞之曰周公其不饗魯祭乎周
公饗義魯無義詩曰德音孔昭視民不佻佻之謂
甚矣而壹用之將誰福哉杜注云壹同也同人於
畜牲愚按祭無用人之理用人是以人爲畜故訓
壹爲同今謂凡相類曰一如何卽此義也然此壹
字未宜訓同此言使民無義謂之佻用人於社佻
之甚者而魯乃行之非周公之心其不饗而福之

也壹字在此猶云是也實也亦是語助不爲義也
又儀禮公食大夫禮三牲之肺不離贊者辯取之
壹以授賓鄭注云壹猶稍也愚按稍漸也壹無訓
漸之文此亦是專一之辭猶云特也又詩國風政
事一埤益我朱傳云一皆也後漢書順帝紀其間
顯江京等知識婚姻禁錮一原除之注云一猶皆
也愚按一皆也悉也猶云一切也如漢書元許后
傳家吏不曉今壹受詔如此且使妾搖手不得此
一字一切也如水經注余按風俗通云里語稱狐
欲渡河無如尾何且狐性多疑故俗有狐疑之說

亦未必一如緣生之言也韓退之順宗實錄一不以簿書介意此一字猶云悉也又漢書文帝紀歲一不登民有飢色一不登猶云一旦不登省文也又史記荆燕世家臣觀諸侯王邸第百餘皆高祖一切功臣索隱云此一切猶一例同時也又漢書平帝紀吏在位二百石以上一切滿秩如真師古云一切者權時之事非經常也猶如以刀切物苟取整齊不顧長短縱橫路溫舒傳埏爲一切如淳云一切權時也愚按此二條當如索隱所訓猶云一概也一切滿秩承二百石以上而言自二百石

至二十石非一等故云一切也媮爲一切言事事皆媮也如漢書諸侯王表秦據勢勝之地騁狙詐之兵蠶食山東壹切取勝此一切不苟且之辭也張敞傳倫長曰今一旦召詣府恐諸倫驚駭願壹切受署此一切乃權宜之辭也又大學自天子以至於庶人壹是皆以修身爲本朱注云壹是一切也又論語一則以喜一則以懼一則云者兩設之辭也又史達祖東風第一枝詞萬一灞橋相見萬一或然之辭猶云儻也

疾

急也書召誥王其疾敬德

必廣韵云審也愚按決定之辭論語則吾必在汝
上矣必也正名乎君子疾夫舍曰欲之而必爲之
辭又云今之成人者何必然何必然言不必定如
此又云何必高宗古之人皆然此何必猶云豈但
此盡也皆也言皆則盡不盡未可知也言盡則皆
不皆未可知也兼二義謂之畢書秦誓羣后以師
畢會戰國策秦自四境之內執法以下至于長轡
者故畢曰與嫪氏乎與呂氏乎史記蕭相國世家
列侯畢已受封

率史記平準書率十餘鍾致一石又云於是商賈

中家以上大率破老莊傳故其著書十餘萬言大抵率寓言也率大率大抵竝都凡之辭大抵率者重言也又禮記祭義古之獻爾者其率用此與陳氏集說云率舊讀爲類愚按類亦率也今謂大率曰大類也又論語子路率爾而對世說注鎮西謝尚鎮牛渚乘秋佳風月率爾與左右微服泛江杜子美詩日覽如臨邑至峭山湖亭奉懷李員外率爾成興率爾猶云遽然又漢書元許后傳事率衆多不可勝以文陳世說注尚嘉其率有勝致卽遣要迎顏氏家訓蔡邕月令章句云荔以挺高誘注

呂氏春秋云荔草挺出也然則月令注荔挺爲草
名誤矣河北平澤率生之此率字猶云頗也又詩
周頌貽我來牟帝命率育毛傳云率用也正義云
釋詁云率由自也由自俱訓爲用故率爲用也愚
按毛訓率爲用者猶云以也乃辭之助非作用之
用也

聿 書湯誥聿求元聖孔傳云聿遂也正義云聿訓
述也述前所以申遂故聿爲遂也詩國風歲聿其
莫毛傳云聿遂也正義云歲實未莫而云聿莫故
知聿爲遂遂者從始嚮末之言也愚按聿語辭不

爲義者也與曰吹邇竝通詩豳風曰爲收歲漢書
食貨志引詩作聿爲收歲師古云聿卽曰也小雅
見覲曰消荀子引詩作見覲聿消大雅邇求厥寧
說文引詩作吹求厥寧漢書叙傳吹中和爲庶幾
令師古云吹古聿字由也由中和之道庶幾免於
扁難文選幽通賦作聿中和爲庶幾分李善云曹
大家云聿惟也按廣韻云吹辭也則惟亦是辭曹
訓義長也又大雅借曰未知亦聿旣老亦聿竝語
辭重言之也

卒 爾雅云旣也郭注云旣已邢疏云皆謂盡已也

廣韵云卒盡也終也書大誥予不敢不極卒寧三
圖事此言不敢不極盡寧王所圖之事也史記周
本紀管仲卒受下卿之禮而還此卒字終竟之辭
也又史記歷書鷄三號卒明注云卒斯也愚按卒
行爲斯者旣之轉也旣固也固乃也乃斯也又史
記酷吏傳野穢卒入厠卒粹同遠也

勿 廣韵云無也莫也如論語已所不欲勿施於人
此爲莫辭也禁止之辭也如非禮勿視非禮勿聽
四勿字無辭也顏子明睿所照其用功只在知其
是禮非禮一見非禮自然私欲不行與原憲克伐

惡欲不行有別作禁止辭者誤也又易益卦上九
立心勿恒此勿字與弗通不辭也又爾雅云勿念
勿忌也郭注云勿念念也邢疏云勿念念也念卽
不忌也若大雅文王篇云無念爾祖是也愚按無
念之無疑辭也詳一卷無字條下然則勿與無通
亦當得爲疑辭也

弗 論語吾與女弗如也正義云弗者不之深也史
記竇田傳長安諸公莫弗稱之莫弗猶云無不

厥 爾雅云其也詩大雅厥初生民厥初其初也又
史記自序左丘失明厥有國語又云成一家之言

厥協六經異傳此厥字語辭猶云爰也

咈 書堯典帝曰吁咈哉蔡傳云咈者甚不然之之

辭

迄 爾雅云至也邢疏云迄者自古至今也大雅生
民云以迄于今又漢書高帝紀後九月師古云據
漢書表及史記漢未改歷之前迄至高后文帝樓
書後九月愚按迄至重言也又沈休文答樂藹書
時無麗藻迄乃有碑無文迄乃猶云至于又左太
沖魏都賦成都迄已傾覆顏氏家訓以此而求迄
無了者此迄字終已之辭也

汔

爾雅云讎

音新

汔也郭注云謂相摩近邢疏云說

文云劉摩也郭讀讎爲劉云謂相摩近孫炎云汔

近也大雅民勞云汔可小康鄭箋云汔幾也反覆

相訓故汔得爲幾也昭二十一年左傳亦引此詩杜

預云汔期也然則期字雖別皆是近義言其近當

如此史記稱漢高祖欲廢太子周昌曰臣口不能

言然臣期知其不可陛下雖欲廢太子臣期不奉

詔言期者意亦與此同也愚按詩大雅汔可小康

毛傳云汔危也危是幾將之辭故詩箋訓汔爲幾

也左傳昭公二十年杜注云汔其也未嘗訓期豈

舊本有此文邪其語辭也周昌云期乃口吃聲皆不爲義與幾將之義無涉正義云然者謂汜既是幾辭又與期通爲語聲也又漢書元帝紀引此詩師古訓汜爲至言人至此可以小安逸之非也

訖 爾雅云止也邢疏云訖者終止也漢書西域傳結配烏孫竟未有益反爲中國生事然烏孫旣結在前今與匈奴俱稱臣義不可距而康居驕黠訖不肯拜使者師古云訖竟也後漢書和帝紀司隸刺史訖無糾察注云訖竟也愚按竟終竟猶云卒也魏志邯鄲淳傳注誦俳優小說數千言訖此訖

字已也畢也以上三條並是終止之辭而義有殊別又尙書序訖于周詩關雎序箋云自風風也訖末名爲大序此訖字與迄通至也

粵

爾雅云粵于爰曰也郭注云書曰土爰稼穡詩

曰對越在天王于出征又爾雅云爰粵于也郭注云轉相訓邢疏云皆謂語辭發端轉互相訓也徐鉉云凡言粵者皆在事端句首未便言之駐其言以審思之故從宋宋審字也其聲氣舒久故從方愚按粵字有在句首者亦有在句中者皆爲語辭而義有少別如史記周本紀粵詹維伊母遠天室

此粵字在句首發語辭也漢書叙傳尙粵其幾淪
神域兮此粵字在句中助語辭也應劭訓粵爲於
於亦語辭也文選幽通賦作尙越其幾粵越曰竝
通也

越 詩國風越以駸邁周頌對越在天鄭箋竝云越
於也愚按越以駸邁之越發語辭也如書召誥越
若來三月是也對越在天之越語助辭也漢書律
歷志引書作粵若來三月越若皆語辭重言之也
又書微子殷遂喪越至于今孔傳云言遂喪亾于
是至于今愚按傳承爾雅爰粵同訓故訓越爲于

是于是者爰辭也又盤庚不服曰畝越其罔有黍稷疏云越本又作粵音曰于是愚按此越字亦于是之辭疏云于是也者省也又書泰誓我友邦冢君越我御事庶士蔡傳云越及也愚按越得爲及者越若皆語辭若有及與之義故越亦可通爲及也又書立政亦越成湯亦越文王武王蔡傳云亦越繼前之辭也愚按本文竝是更端而言非有因繼不如蔡說也亦字亦是發語之辭亦越猶言越若也

曰說文云曰從開口象氣出于口也愚按云也論

語牢曰子云其義則一變文以便讀者耳又書洪
範一曰壽二曰富三曰康寧四曰攸好德五曰考
終命此曰字猶云謂之又書堯典曰若稽古帝堯
蔡傳云曰粵越通古文作粵曰若者發語辭周書
越若來三月亦此例也愚按曰辭也若亦辭也曰
若重言之也如書洪範八庶徵曰雨曰暘曰燠曰
寒曰風曰時五者來備各以其叙庶草蕃廡左傳
昭公十四年曰義也夫可謂直矣張平子東京賦
曰止曰時此曰字在句首發語辭也

曰雨曰暘之
曰卽五福

曰壽二曰富之曰不言一二者省也此曰字非是
語辭曰時五者來備之曰乃是語辭猶云惟是五

者來如詩國風彼人是哉子曰何其漢書賈誼傳
脩也然并心而赴時猶曰歷六國兼天下此曰字在句
中語助辭也鄭箋訓子曰之曰爲於於亦語辭不
爲義也

沒 小爾雅云無也王仲初詩暗中頭白没人知

叫 廣韵云呵也愚按怒而叱之也音當沒切北人
怒呵則音如兜又相輕弄亦呼曰咄音如特歸切
如漢書東方朔傳朔笑之曰咄口無毛聲瞽瞍
益高此咄字戲弄之聲非怒叱之也又如後漢書
袁譚傳譚墮馬顧曰咄兒過我我能富貴汝此咄

字若似怒叱然譚見追墮馬知追者必得已以爲
功雖乞憐無益乃爲項籍吾爲若德之語如游俠
兒瀕死猶強顏自大故云兒過我我能富貴汝此
咄字亦當讀如特歸切也又衛夫人帖咄咄逼人
世說唯作咄咄怪事四字而已咄咄驚歎聲也

易

爾雅云盍也說文云何也易損卦彖辭易之用

二盍可用亨詩國風心之憂矣易維其已書戡黎
天曷不降威荀子俛詩曷維其同楊注云言何可
與之同也愚按維語辭詩云易維猶言如何與此
義別又詩國風曷不肅雖主姬之車曷不猶云豈

不與賊黎易不義別荀子強國篇易若是而可以
持國乎後漢書曹褒傳禮云禮云易其然哉陳蕃
傳言觀殄瘁易非云凶諸易字竝豈也易非猶豈
不也易得爲豈者何寧也寧豈也又後漢書李雲
傳論禮有五諷爲上若夫托物見情因文載旨
使言之者無罪聞之者足以自戒貴在意達言從
理歸乎正易其絞訐摩上以衛沽成名哉此易字
何豈二義竝通易其猶云豈有何有與曹褒傳易
其義別又書盤庚易虐朕民此言奈何虐我民也
召誥易其奈何弗敬易其奈何重言也此易其與

後漢書兩易其義別

忽 倏也漢書高帝紀嫗因忽不見周密鳳栖梧詞
忽地香來無覓處忽地方言也

害 爾雅云盍也詩國風害澣害否毛傳云害何也
鄭箋云我之衣服今者何所當見澣乎何所當否
乎愚按害易音近故得轉爲何也

末 廣韵云無也論語末由也已果哉末之難矣末
之難猶云無所難也又公羊傳哀公十四年末不
亦樂乎堯舜之知君子也末不亦猶云無亦此末
字疑辭也

脫 或辭猶儻也世說王汝南既除所生服遂停墓
所兄子濟每來拜墓略不過叔叔不候濟脫時過
止寒溫而已

竊 論語竊比於我老彭疏云不敢顯言故云竊也
愚按凡云竊者謙辭不敢徑直以爲何如故云竊
也

決 必辭也漢書趙充國傳兵決可期月而望

迭 廣韵云史也愚按更互也左傳昭公十七年師
夜從之三呼皆迭對孟子迭爲賓主又史記封禪
書軼興軼衰漢書郊祀志作迭興迭衰軼一作顛

結切故得通爲迭也

蔑 廣韵云無也左傳僖公十年臣出晉君君納重耳蔑不濟矣文公十七年雖我小國則蔑以過之矣

謁 呂氏春秋膠鬲見武王於鮪水曰西伯謁來無欺我也武王曰不予欺將伐殷也膠鬲曰謁至武王曰將以甲子日至注云謁何也又顏延年秋胡詩謁來空復辭注云謁與盍同正字通云謁發語辭謁來猶聿來或以爲去來也愚按去來之說非絕殊也了也史記封禪書上與公卿諸生議封禪

封禪川希曠絕莫知其儀禮游俠傳殺者亦竟絕
莫知爲誰又史記梁孝王世家平王太后李太后
曰先王有命無得以鼎樽與人他物雖百巨萬猶
自恣也任王后絕欲得之世說謝太傅絕重褚公
此絕字極也甚也

劣 廣韵云少也愚按僅也周語余一人僅亦守府
韋注云僅猶劣也僅得爲劣則劣亦得爲僅矣宋
書劉懷真傳子德願善御車常立兩柱使其中劣
通車軸驅牛奔從柱間直過胡藩傳江津岬峭壁
立藩以刀頭穿岬劣容指于是徑上鍾嶸詩品師

鮑昭終不及日中市朝滿學謝朓劣得黃鳥度青
枝杜子美詩劣于山有陰諸劣字其義竝同少力
爲劣劣是弱辭也弱者不足之義故得爲僅也

煞 方言極也太甚之辭程子經解云煞害義理朱
子答陸子論無極書云太煞分明

別 另也史記高帝紀使沛公項羽別攻城陽南唐
後主相見歡詞別是一般滋味在心頭又各也易
緯稽覽圖云卦氣起中孚故離坎震兌各主一方
其餘六十卦卦有六爻爻別主一日凡主三百六
十日此言每爻各主一日六十卦有三百六十爻

故主三百六十日也

設 史記竇田傳此特帝在即錄錄設百歲後是屬
寧復有可信者乎索隱云設者脫也愚按脫儻或
也假如也

畧 率也總舉其疆理曰畧故得爲大率之辭也漢
書外戚恩澤侯表至乎孝武元功宿將畧盡后妃
傳詩書所歎畧同一揆魏志王朗傳注今此諸賢
者畧余之所識也高柔傳至如滎陽左右周數百
里歲畧不收元元之命實可矜傷世說丞相末年
畧不復省事又通作頗畧粗畧之畧孟子此其大

畧也。又孟子始作偏者其無後乎。朱注云古之華者束草爲人，以爲從衛謂之芻靈，畧似人形而已。卻還也。史記封禪書又言臣候日再中居頃之日，卻復中。皇甫士安三都賦序曩者漢室內潰四海圯裂，孫劉二氏割有交益，魏武撥亂擁據兩夏，故作者先爲吳蜀二客盛稱其本土險阻，瓌瑋可以偏王，而卻爲魏主述其都畿弘敞，豐麗奄有諸華之意。溫飛卿詩莫羨相如卻到家，又云香輦卻歸長樂殿，又云卻逐嚴光向若邪，又轉也。李義山詩何當共剪西窗燭，卻話巴山夜雨時。趙嘏詩谿頭

盡日看紅葉卻笑高僧衣上塵司空表聖詩逢人
漸覺鄉音異卻恨鶯聲似故山又方澤詩貪看飛
花忽卻愁君山父老詩日暮忽卻巴陵道此卻字
方言語助猶云了也

諾 禮記曲禮父召無諾先生召無諾呂氏云諾者
許而未行也愚按諾者應之緩也內則云男唯女
俞唯是應之速然則承君父先生之召當唯而不
當諾非許而未行之謂也如論語子貢曰諾吾將
問之此雖未遽問而業已諾之也夫子曰諾吾將
仕矣此雖心不然而姑且諾之也皆是應之舒緩

不以行不行爲義應之舒緩近于怠慢故承君父先生之名皆無諾也

著 方言語助也許用晦詩逢著仙人莫下碁李義山詩記著南塘移樹時又杜子美詩迷方著處家李義山詩著處斷猿腸著處猶云到處也

若 廣韵云如也孟子無若宋人然孟子趙叙若此者衆如若竝象似之辭也又孟子吾豈若使是君爲堯舜之君哉豈若猶何如商較之辭也又荀子強國篇如是則齊必斷而爲四三國若假城耳必爲天下大笑曷若楊注云曷若者問以爲何如也

漢書韓信傳僕欲北攻燕東伐齊何若有功師古
云何若猶言何如也愚按此言如之何也與荀子
易若義同乃問可否之辭也又漢書霍光傳時霍
山自若領尚書師古云自若猶言如故又詩國風
猗嗟昌兮頎而長兮抑若揚兮美曰揚兮正義云
若猶然也此言頎若長兮史記孔子世家稱孔子
說文王之狀云黧然而黑頎然而長是知爲長貌
也今定本云頎而長兮而與若義竝通也愚按正
義蓋以頎而長爲頎若長抑若揚爲抑然揚也而
若然竝是語辭故通也荀子子道篇子路趨而出

改服而入蓋猶若也猶若卽猶然楊注云舒緩之貌禮記君子蓋猶猶爾也又論語君子哉若人尚德哉若人也注云若人者此人也公羊傳楚人爲無道君如有憂中國之心則若時可矣若時者此時也又書大誥王曰爾惟舊人爾丕克遠省爾知寧王若勤哉若勤者若此勤也但云若者省也孟子以若所爲求若所欲言以如此所爲求如此所欲也史記禮書人苟生之爲見若者必死苟利之爲見若者必害索隱云人苟以貪生爲見不能見危致命如此者必刑戮及身也漢書賈誼傳頌頌

恥與詭立節廉耻不立且不自好苟若而可師
古云若猶然也此然字亦是如此之辭苟然而可
者言苟且若此而可也又儀禮士相見禮君若降
送之則不敢獻辭遂出疏云若者不定之辭也愚
按設辭也如左傳隱公元年若闕地及泉隧而相
見其誰曰不然十一年寡人若朝於薛不敢與諸
任齒諸若字竝假設之辭也又襄公二十六年印
莖父與皇頤戍城麋楚人囚之以獻於秦鄭人取
貨於印氏以請之于太叔爲令正以爲請子產曰
不獲受楚之功而取貨於鄭不可謂國秦不其然

若曰拜君之勤鄭國微君之惠楚師其猶在敝邑
之城下其可若曰者亦假設之辭也又左傳隱公
五年若夫山林川澤之實器用之資阜隸之事官
司之守非君所及也若夫者相及而殊上事之辭
也哀公十四年若以先臣之故而使有後君之惠
也若臣則不可以入矣上若字設辭也下若字殊
上之辭也孟子乃若其情則可以爲善矣乃所謂
善也若夫爲不善非才之罪也乃若發語辭也若
夫殊上之辭也又庖子山小園賦若夫一枝之上
巢父得安巢之所一壺之中壺公有容身之地此

若夫發端之辭與上義別又左傳襄公十一年孟氏使半爲臣若子若弟顧氏補正云若猶或也邵氏云於三分得一之中使半爲臣臣其子則父歸公臣其弟則兄歸公所謂半也又漢書高帝紀以萬人若一郡降者封萬戶惠帝紀民年十七以上者不滿十歲有罪當刑者皆完之師古竝云若者豫及之辭愚按若猶與也及也暨也連而及之之辭師古云豫及恐是與及之謫耳又孟子宜若可爲也史記封禪書文帝出長安門若見五人於道北又云天子旣已封泰山無風雨災而方士更言

蓬萊諸神若將可得又云公孫卿言見神人東萊
山若云欲見天子此若字疑辭猶似也又魏志高
堂隆傳今無若時之急而使公卿大夫竝與斯徒
共供事役聞之四夸非嘉聲也若時猶云向時彼
時也又左傳襄公三十一年無若諸侯之屬辱在
寡君者何無若猶無奈也又漢書食貨志或用輕
錢百加若干師古云若干且設數之言也千猶箇
也謂當如此箇數耳愚按若干者未定多少且約
計之也又漢書兩龔傳常悲謂勝曰我視君何若
何若猶何等也又郭景純爾雅序若乃可以博物

不惑於鳥獸草木之名者莫近於爾雅邢疏云若
乃者因上起下語上旣言其功用此復美其博物
故云若乃又左傳襄公十二年天子求后於諸侯
諸侯對曰夫婦所生若而人妾婦之子若而人無
女而有姊妹及姑姊妹則曰先守某公之遺女若
而人杜注云不敢譽亦不敢毀故曰若如人顧氏
補正云若而人猶言某某愚按若而猶言若干杜
訓而爲如非是顧義較長也又邢疏爾雅注疏序
洎夫醇醕旣異步驟不同一物多名繫方俗之語
片言殊訓滯今古之情將使後生若爲鑽仰未書

王景文傳居貴要但問心若爲耳唐書孫伏伽傳
陛下自作須自守之使天下百姓信而畏也自爲
無信欲人之信若爲得哉柳子厚詩若爲化得身
千億散作峰頭望故鄉杜荀鶴詩承恩不在貌教
妾若爲容若爲猶云如何也又王摩詰詩明到衡
山與洞庭若爲秋月聽猿聲杜子美詩幸不折來
傷歲暮若爲看去亂鄉愁此若爲近於那堪然如
何那堪竝是不可奈何之辭則其義亦同也

約畧計之也魏志華佗傳疾者前入坐見佗北壁
懸此虵輩約以十數又大約猶大畧也大凡也

莫 廣韵云無也詩國風莫敢或違中庸見而民莫
不敬孟子莫非命也又母也勿也陶淵明詩得酒
莫苟辭又不也弗也禮記祭統是故天子親耕於
南郊以共齊盛王后蠶於北郊以共純服諸侯耕
於東郊亦以共齊盛夫人蠶於北郊以共冕服天
子諸侯非莫耕也王后夫人非莫蠶也此言天子
諸侯非以齊盛之故不親耕也王后夫人非以祭
服之故不親蠶也云非莫者省也又郭景純爾雅
叙莫近於爾雅何休云莫近言莫過之也愚按莫
近於爾雅言無有切近於爾雅也如孟子晉國天

下莫強焉漢書高帝紀蓋聞王者莫高於周文伯
者莫高於齊桓史記文帝紀代王曰宗室將相王
列侯以爲莫宜寡人寡人不敢辭諸此莫字竝是
無有之辭也又論語文莫吾猶人也朱子語類云
莫疑辭猶今人云莫是如此否莊子則陽莫爲盜
注云莫疑辭也包何詩莫是上迷樓莫是者方言
猶今云恐是也又宋史岳飛傳莫須有三字何以
服天下莫須猶莫是也又王右軍止殷浩北伐書
今軍破於外資竭於內保淮之志非復所及莫過
還保長江都督將各復舊鎮自長江以外羈縻而

已莫過猶云不如也又郭頒古墓斑狐記遮莫千
試萬慮其能爲害乎杜子美詩遮莫隣雞下五更
遮莫猶云儘教一任其如何也又盧祖臯詞溪魚
堪膾切莫論鏤切莫猶云慎毋方言也

各 說文云異詞也論語盍各言爾志史記五帝紀
三長老皆各往往稱堯舜之處又史記周勃世家
最從高帝得相國一人丞相二人將軍二千石各
三人各三人者言每一輩有三人也與上義徵別
又漢書劉盆子傳各各屯聚吳志甘寧傳注時諸
英豪各各起兵各各重言也

索 漢書元許后傳侯自見索言之師古云索盡也
又李義山詩單栖應分定辭疾索誰憂此索字猶
須也索誰憂猶云要須誰憂今云要當如何曰須
索如何也

迕 公羊傳襄公二十九年今若是迕而與季子國
季子猶不受也鄭注云迕起也倉卒意愚按此與
乍義近乍是忽然事興故鄭訓迕爲起也

薄 詩國風薄言采之毛傳云薄辭也正義云時邁
云薄言震之箋云薄猶甫也甫始也有客曰薄言
追之箋云王始言餞送之以薄爲始者以時邁下

句云莫不震疊明上句薄言震之爲始動以威也
有客前云以繫其馬欲留微子下云薄言追之是
時將行王始言餞送之詩之薄言多矣唯此二者
以薄爲始餘皆爲辭也愚按薄辭也言亦辭也薄
言重言之也詩凡云薄言皆是發語之辭非時邁
有客二詩又別爲甫始不如正義所云也

嘖 史記外戚世家褚先生云武帝下車泣曰嘖大
姊何藏之深也正義云嘖責失聲驚愕貌

劇 說文云尤甚也世說今日與謝孝劇談一出來
劇猶快也一出猶云一番方言也

嚇 莊子秋水於是鳴得腐鼠鵲雛過之仰而視之
曰嚇注云嚇怒其聲恐其奪已也詩箋云以口拒
人曰嚇愚按嚇恐之之聲也

格 白香山詩如今格是頭成雪元微之詩隔是身
如夢洪容齋隨筆云格隔義同猶云已是也又白
香山詩都子新歌有性靈一聲格轉已堪聽此格
字甫也纔也

益 廣韵云增也愚按加甚之辭也孟子如水益深
如火益熱漢書高帝紀民又益喜唯恐沛公不爲
秦王

云亦與乎者況物外不可必又非可止於一事耳
故云亦乎與論語不亦說乎不亦樂乎同愚按亦
辭也不爲義者也如亦將有以利吾國乎之亦義
近于抑發語辭也論語正義云可悅樂之事其類
非一孟子正義云又非可止於一事蓋訓亦爲又
然則孟子亦有仁義而已矣王亦曰仁義而已矣
兩亦字可訓爲又乎大凡書傳亦字多是語辭如
詩國風亦孔之嘉周頌維莫之春亦又何求左傳
襄公二十四年德國家之基也有基無壞無亦是
務乎司馬相如諫獵書其爲禍也不亦難矣毛詩

周南召南譜其餘江黃六蓼之屬旣驅陷於彼俗
又亦小國猶邾滕紀莒之等杜元凱左傳序又引
經以至仲尼卒亦又述誣毛詩正義序上皇道質
故諷諭之情寡中古政繁亦謳歌之理切諸亦字
竝語辭也他如孟子聖人之於民亦類也又云治
亦進亂亦進又云不受於褐寬博亦不受於萬乘
之君此亦字然後是不殊上事之文正字通訓亦
爲又誤也亦是也辭又是更辭不相涉也

適 正也論語道千乘之國包注云古者井田方里
爲井十井爲乘百里之國適千乘也漢書東方朔

傳此適足以明其不知權變而終惑於大道也又漢書灌夫傳適得萬金良藥此適字猶俗云恰好與上義微別又漢書賈誼傳慮不動於耳目以爲是適然耳師古云適當也謂事理當然也又孟子則口腹豈適爲尺寸之膚哉此適字猶祇也僅也但也戰國策疑臣者不適三人注云適齊也愚按帝亦僅也又後漢書逸民傳故蒙耻之賓屢黜不去其國蹈海之節千乘莫移其情適使矯易去就則不能相爲矣此適字假設之辭猶云若也又漢書賈誼傳陛下之臣雖有悍如馮敬者適啓其口

匕首已陷其胸矣師古云始欲發言節制諸侯王則爲刺客所殺愚按此適字始也甫也方也纔也王右軍帖適得書唐書武元衡傳適從何處來此適字纔也頃也

適 都歷切專主之辭猶云職也左傳僖公五年一國三公吾誰適從昭公三十年楚執政衆而乖莫適任患

廸 漢書叙傳漢廸于秦劉德云廸至也

的 定也史記伯夷傳儻所謂天道是邪非邪正義云不敢的言是非故云儻也白香山詩的無官職

趁人來

職 詩國風無已太康職思其居小雅東人之子職
勞不來書秦誓亦職有利哉柳子厚天爵論然則
聖賢之異愚也職此而已職專也專主也專務之
也職守非異人之任故爲專辭也專務職業無有
二志故又可轉爲唯獨之辭職此猶云唯此也

直 但也詩國風匪直也人孟子直不百步耳又云
非直爲觀美也晉書苻堅載記猛曰方當使君爲
宰夫安直耕稼而已安直猶云何但又徑直也離
騷何昔日之芳草兮今直爲此蕭艾也世說劉尹

非不能逮直不逮王仲初詩直到牀前見上皇又
史記留侯世家有一老父衣褐至良所直墮其履
圯下索隱云直言正也漢書師古注云直猶故也
一曰正也愚按訓正義長又戰國策直使送之注
云直猶當也

式 詩國風式微式微爾雅云式微式微微乎微者
也鄭箋云式發聲也又書盤庚式敷民德孔傳云
用布示民必以德義愚按此式字猶爰也孔訓爲
用者用卽用是爰辭也

極 至極也禮記禮運夫子之極言禮也可得而聞

與史記高帝紀豐吾所生長極不怠爾燕世家孤極知燕小力不足以報

抑 詩小雅抑此皇父鄭箋云抑之言噫也疏云抑辭也朱傳云抑發語辭論語抑亦先覺者是賢乎正義云抑語辭也愚按抑者按之使下也凡語辭用抑或是發聲或是轉語其音多下而不揚故云抑也如論語子夏之門人小子當灑掃應對進退則可矣抑末也此抑字猶云然而漢書叙傳篇問彪曰往者周亡戰國並爭天下分裂數世然後乃定其抑者縱橫之事復起於今乎此抑字辭之不

定猶云或者也又皮襲美和張處士詩序噫承吉之困身後乎魯望視予困與承吉生前熟若哉未有己困而能振人者然抑爲之辭用塞良友之意此抑字猶且也以上三條竝轉語也

亟 廣韵云急也疾也趣也詩幽風亟其乘屋左傳隱公十一年我死乃亟去之管子鮑叔曰若亟召則可得也不亟不可得也

卽 廣韵云就也漢書高帝紀呂公女卽呂后也趙后傳宮卽曉子女此卽字猶俗云就是言非有兩人也又孟子卽不忍其斃觶此卽字猶云但也特

也言非愛一牛特是不忍其觝觶耳又左傳襄公八年君有楚命亦不使一介行李告於寡君而卽安於楚杜元凱左傳序然亦有史所不書卽以爲義者此卽字猶便也遂也又漢書韓安國傳千里而戰卽兵不獲利此卽字猶則也又史記秦本紀梁我母家也而秦滅之我兄弟多卽君百歲後秦必留我封禪書上卽欲與神遇宮室被服非象神神物不至酷吏傳所治卽上意所欲罪予監史深禍者卽上意所欲釋予監史輕平者所治卽豪必無文巧詆卽下口羸弱時口言雖文致法上財察

於是往往釋湯所言此卽字猶若也又漢書高帝紀項伯許諾卽夜復去文帝紀卽日夕入未央宮吳志朱然傳邵渡兵攻盛盛不能拒卽時卻退卽日卽夜猶云當日當夜卽時猶云當時立時竝急辭也又假設之辭猶云縱令也卽得爲縱者若之轉也

得能也世說荀子不得答而去又史記注錄異傳云雍南山有大梓樹鬼語樹神曰秦若使人被髮以朱絲統樹伐汝汝得不困邪得不猶云豈能不省文也又杜子美詩他時如按縣不得慢陶潛不

得猶云不可

則語辭也承上趣下辭之急者也論語行有餘力則以學文孟子則是方四十里爲阱於國中漢書公孫弘傳儒雅則公孫弘董仲舒兒寬篤行則石建石慶張平子南都賦其山則崆峒嶠嶠其木則檉松楔稷其竹則籊籊箛箛又乃也詩大雅則友其兄則篤其慶孟子天下之言性也則故而已矣又云是則章子已矣史記項羽紀沛公則置車騎又云項王則受璧蔡中郎答詔問災異八事建大中之道舉賢良而寵祿之則其救也矣志太史慈

傳卿則州人昔又從事諸此則字竝辭之緩者也
又易繫辭亂之生也則言語以爲階史記高帝紀
今聞章邯降項羽項羽乃號爲霸王主關中今則
來沛公恐不得有此大宛傳則離宮別觀旁盡種
蒲陶苜蓿極望漢書王莽傳應聲滌地則時成創
之調策無名氏詩若非葉下滴秋露則是井底圓
春冰諸則字猶卽也則卽皆語之急故通也又荀
子強國篇兼數具者而盡有之然而縣之以王者
之功名則倜倜然其不及遠矣是何也則其殆無
儒邪則其猶云斯其則得爲斯者乃之轉辭之緩

者也又詩國風匪鷄則鳴蒼蠅之聲禮記學記學
者有四失教者必知人之學也或失則多或失則
寡或失則易或失則止此四者心之莫同也此則
字語助猶云之也又史記天官書數至十二日直
其月占水旱爲其環城千里日占則其爲天下占
竟正月孟康云月三十日周太歷二十八宿然後
可占天下也愚按此言正月一日雨則正月水二
日雨則二月水此爲千里內占耳若爲天下占則
以盡一正月爲驗也此則字假設之辭猶云若也
漢書五行志則其爲天下占作卽爲天下驗則卽

竝若辭也刺客傳誠得劫秦王使悉反諸侯侵地
若曹沫之與齊桓則大善矣則不可因而刺殺之
則大善矣之則乃也則不可之則若也又漢書五
行志時則有服妖時則有龜孽時則有雞禍時則
有下體生上之癰時則有青胥青祥又云每一事
云時則以絕之言非必俱至或有或否或在或
在後也愚按此如書若燠時則有若伊尹時則有
若保衡之類也

克 廣韵云能也夏書先王克謹天戒臣人克有常
憲又史記律書且兵凶器雖克所願動亦耗病此

克字猶云如也又通作剋王延壽靈光殿賦非夫
通神之俊才誰能剋成乎此數能剋重言也

特 廣韵云獨也史記高帝紀吾特爲其以雍齒故
水經注晉太康地記云汝南西平縣有龍澗水可
以淬刀劍特堅利又荀子勸學篇上不能好其人
下不能隆禮安特將學維識志順詩書而已耳楊
注云特猶言直也愚按直但也漢書高帝紀毋特
俱死文穎云特獨也蘇林云特但也師古云蘇說
是也但空也空死而無所成名又方雄飛詩落絮
榮風特地飛特地方言猶云故故也

或 廣韵云不定也易繫辭或出或處或默或語又
詩豳風今此下民或敢侮予此或字猶云誰也不
定其誰何故云或也如易恆卦九三不恆其德或
承之羞孟子或曰放焉此皆無所指名故云或也
漢書禮樂志或曰不能具禮師古云或曰者劉向
設爲難者之言而後答釋也又左傳僖公十九年
天其或者欲使衛討邢乎孟子昔者辭以病今日
弔或者不可乎或者疑辭猶云無乃也又左傳襄
公二十一年賞而去之其或難焉此或字與或者
同又虞書咎或予正孔傳云或有也無有干我

正言順命也後漢書應劭傳開辟以來莫或茲酷
注云或有也愚按凡訓或爲有者省文也罔或干
予正言罔或有干予正也莫或茲酷言莫或有茲
酷也如書五子之歌有一於此未或不亡言未或
有不亡也左傳襄公二十三年母或如東門遂不
聽公命殺適立庶言母或有如東門遂不聽公命
殺適立庶也凡云有者非常有也故或得省爲或
有也有一於此斯謂之或無或者無一不然之謂
也又詩小雅如松柏之茂無不爾或承此言無或
不爾承也蓋倒言之義與上同

及 廣韵云至也逮也詩周頌燕及皇天左傳襄公
二十三年紂之罪不及不祀戰國策及今聞君子
之言漢書賈誼傳火未及然因謂之安不及不祀
言不至于不祀也火未及然言猶未至于然也又
史記高帝紀及其鋒而用之可以有大功此及字
猶云乘也今謂乘時曰及時乘蚤曰及蚤也又李
義山詩景陽宮裏及時鐘此及時猶云應時也又
左傳僖公十五年先君之敗德及可數乎杜注
先君之敗德及爲句絕非也及字當屬下句及可
數乎者猶云可及數乎言敗德多雖稱數不及倒

言之也。六孟子及至葬及其間一善言及至及其皆因前事而殊後事之文。又春秋隱公元年公及邾儀父盟于蔑。公羊傳云及者何與也。愚按與共也。暨也。又左傳文公三年秦伯伐晉濟河焚舟取王官及。郊史記五帝紀東至於海登丸山及岱宗。此及字連及之辭也。與上義別。

立卽也。猶云卽時也。史記留侯世家於是呂澤立夜見呂后。漢書董仲舒傳此皆可使還至而立有效者也。又桓譚新論劉子駿聞吾言乃立稱善焉。此立字猶云卽便與上義微別。

合應也當也史記司馬相如傳然則受命之符合
在於此矣杜子美詩偏性合幽棲又云蓬萊足雲
氣應合總從龍應合重言也

盍爾雅云何不也論語盍各言爾志盍徹乎張平
子東京賦盍亦覽東京之事以自寤乎盍云何不
老辭之急者也緩言之則爲何不耳又王褒聖主
得賢臣頌盍令不行此盍字猶何也與上義別又
通作闔管子桓公謂鮑叔牙曰闔不起爲寡人
乎莊子夫子闔行邪無落吾事管云闔何也莊云
闔何不也

輒 廣韻云專輒也世說華歆王朗俱乘船避難有一人欲依附歆輒難之此輒字專辭猶云獨也特也唐高宗述聖教序輒以輕屣足嶽墜露添流輒字專擅之辭猶云敢也又漢書董仲舒傳凡相兩國輒事驕王此輒字猶云每也言所事者動輒是驕王也又漢書吾丘壽王傳十賊驍怒百吏不敢前盜賊不輒伏辜免脫者衆此輒字猶卽也又漢書食貨志地方百里之增減輒爲粟百八十萬石矣此輒字猶則也李陵報蘇武書故每攘臂忍辱輒復苟活輒復猶云則又

恰 適也杜子美詩野航恰受兩三人

業 既已也史記外戚世家太后業已其行酒無以罪也留侯世家良業爲取履因下跪履之劉敬傳是時漢兵已踰句注二十餘萬兵已業行業已已業並重言也

阿 顧氏日知錄云隸釋漢殷阬碑陰云其間四十人皆字其名而繫以阿字如劉興阿興潘京阿京之類必編戶民未嘗表其德書石者欲其整齊而強加之猶今閭巷之婦以阿字爲姓也成湯靈臺碑陰有三屯仲東阿東又云惟仲阿東年在元冠

幼有中質又可凡其年少而未有字抱朴子禰衡游許下自公卿國士以下行初下稱其官皆名之云阿某三國志呂蒙傳注魯肅拊蒙背曰非復下阿蒙世說注阮藉謂王渾曰與卿語不如與阿戎語旨是其小時之稱也亦有以阿挈其字者世說桓公謂殷淵源爲阿源謝太傅謂王修齡爲阿齡王子敬爲阿敬婦人以阿挈姓則隋獨孤后謂雲昭訓爲阿雲唐蕭淑妃謂武后爲阿武韋后降爲庶人稱阿韋劉從諫妻裴氏稱阿裴吳湘娶顏悅女其母焦氏稱阿顏是也亦可以自稱其親焦

助字辨略卷一

仲卿妻詩堂上啟阿母阿母謂阿女是也亦可爲
不定何人之辭古詩道鄉里人家有阿誰三
國志龐統傳先主謂曰向者之論卜爲平書
沈充傳敦作色曰小人阿誰是也阿者助語之辭
愚按阿本收歌韻不載人聲然方言多讀作俄合
故附卷一南人稱阿猶北人稱老如白香山詩
常被老云偷格律是也又阿堵猶云此箇也世說
舉卻阿堵又云傳神寫照正在阿堵中